



Ysgol Gynradd
Blaenau

Dyma Gynllun Cyhoeddi Ysgol Blaenau

**Ysgol Blaenau, Heol Pant y Blodau, Rhydaman, Sir
Gaerfyrddin, SA18 3BQ**

Y bobl sy'n gyfrifol am weithredu'r cynllun hwn yw'r Pennaeth: Mrs Geraldine Jenkins a chadeirydd y llywodraethwyr.

1. Cyflwyniad: beth yw cynllun cyhoeddi a'r rheswm dros ei ddatblygu

Un o nodau Deddf Rhyddid Gwybodaeth 2000 (y cyfeirir ati fel DRhG yng ngweddill y ddogfen hon) yw y dylai awdurdodau cyhoeddus, gan gynnwys yr holl ysgolion a gynhelir, gymryd camau i egluro pa wybodaeth y byddant yn ei darparu i'r cyhoedd.

Er mwyn gwneud hyn, rhaid i ni lunio cynllun cyhoeddi sy'n nodi:

- Y dosbarthiadau gwybodaeth yr ydym yn eu cyhoeddi neu'n bwriadu eu cyhoeddi;
- Y ffordd y cyhoeddir y wybodaeth; ac
- A yw'r wybodaeth ar gael yn rhad ac am ddim neu a oes rhaid talu amdani.

Mae'r cynllun yn delio â'r wybodaeth a gyhoeddwyd eisoes a gwybodaeth a gyhoeddir yn y dyfodol. Mae'r holl wybodaeth yn ein cynllun cyhoeddi ar gael ar bapur.

Efallai na ellir rhannu rhywfaint o'r wybodaeth sydd gennym gyda'r cyhoedd, er enghraifft gwybodaeth bersonol.

Mae'r cynllun cyhoeddi hwn yn cydymffurfio â'r cynllun model i ysgolion a gymeradwywyd gan y Comisiynydd Gwybodaeth.

2. Categoriâu gwybodaeth a gyhoeddir

Mae'r cynllun cyhoeddi yn eich tywys i wybodaeth yr ydym yn ei chyhoeddi ar hyn o bryd (neu a gyhoeddwyd gennym yn ddiweddar) neu y byddwn yn ei chyhoeddi yn y dyfodol – rhennir y wybodaeth hon yn gategoriâu gwybodaeth a elwir yn 'ddosbarthiadau'.

Cynhwysir y rhain yn adran 5 y cynllun hwn.

Trefnir y dosbarthiadau gwybodaeth y bwriadwn sicrhau eu bod ar gael, yn bedwar maes pwnc bras:

- **Prosbectws yr Ysgol** – gwybodaeth a gyhoeddir ym mhrosbectws yr ysgol.
- **Dogfennau Llywodraethwyr** – gwybodaeth a gyhoeddir yn Adroddiad Blynyddol y Llywodraethwyr ac mewn dogfennau eraill gan y corff llywodraethu.
- **Disgyblion a Chwricwlwm** – gwybodaeth am bolisïau sy'n ymwneud â disgyblion a chwricwlwm yr ysgol.
- **Polisïau'r Ysgol** – gwybodaeth am bolisïau sy'n ymwneud â'r ysgol yn gyffredinol.

3. Sut i ofyn am wybodaeth

Gallwch ofyn i'r cyswllt a nodir isod am gopi o'r wybodaeth yr hoffech ei gweld.

Os nad yw'r wybodaeth yr hoffech ei gweld ar gael dan y cynllun, mae'n dal yn bosibl i chi holi a yw'r wybodaeth gennym. Gallwch gysylltu â'r ysgol dros y ffôn, y ffacs, e-bost neu trwy lythyr.

E-bost: geraldine.jenkins@blaenau.ysgolccc.cymru

Ffôn: 01269 850 583

Cyfeiriad Cyswllt:

Ysgol Blaenau, Heol Pant y Blodau, Rhydaman, Sir Gaerfyrddin, SA18 3BQ

I'n helpu i brosesu'ch cais yn gyflym, nodwch y geiriau “**CAIS DAN Y CYNLLUN CYHOEDDI**” yn eglur ar unrhyw ohebiaeth.

4. Talu am wybodaeth

Darperir copïau sengl o wybodaeth sydd o fewn cwmpas y cynllun cyhoeddi hwn yn rhad ac am ddim oni nodir fel arall. Os yw'ch cais yn golygu bod yn rhaid i ni wneud llawer o waith llun-gopiö neu argraffu, neu dalu llawer am bostio'r wybodaeth, neu os yw am eitem sydd â phris arni megis rhai cyhoeddiadau argraffedig neu fideos, byddwn yn eich hysbysu o'r gost cyn ymateb i'ch cais. Pan godir tâl am eitem benodol, nodir hyn yn y blychau yn Adran 5 gan arwydd £ yn dilyn y disgrifiad o'r eitem.

5. Dosbarthiadau Gwybodaeth a Gyhoeddir ar Hyn o Bryd

Prosbectws yr Ysgol – mae'r adran hon yn nodi'r wybodaeth a gyhoeddir ym mhrosbectws yr ysgol.

Dosbarth	Disgrifiad
Prosbectws yr Ysgol	Mae cynnwys statudol prosbectws yr ysgol fel a ganlyn, (gall yr ysgol benderfynu cynnwys eitemau eraill yn ôl ei doethineb ei hun): • enw, cyfeiriad a rhif ffôn yr ysgol, a'r math o ysgol yw hi. • enwau'r pennaeth a chadeirydd y llywodraethwyr. • Polisi derbyn disgyblion i'r ysgol. • Manylion ynglŷn â threfniadau i rieni ymweld â'r ysgol • datganiad ynghylch ethos a gwerthoedd yr ysgol. • manylion unrhyw gysylltiadau gyda chrefydd neu enwad crefyddol penodol, yr addysg grefyddol a ddarperir, hawl rhieni i dynnu eu plant o addoliad ar y cyd a'r ddarpariaeth amgen i'r disgyblion hynny. • gwybodaeth am bolisi'r ysgol ynghylch darparu ar gyfer disgyblion sydd ag anghenion addysgol arbennig. • nifer y disgyblion ar y gofrestr a chyfraddau absenoldebau ymhlith disgyblion, y rhai a awdurdodwyd a'r rhai nas awdurdodwyd. • canlyniadau asesiadau'r Cwricwlwm Cenedlaethol ar gyfer Cyfnodau Allweddol priodol, ynghyd â ffigurau cryno cenedlaethol. • Gwybodaeth diweddaraf am bresenoldeb blynyddol yr ysgol. • Gwybodaeth am gwricwlwm yr ysgol a'r dulliau addysgu • Categori ieithyddol yr ysgol a'r defnydd o'r Gymraeg a wnaed yn yr ysgol mewn gwersi a thu allan i'r dosbarth a pharhad disgyblion yn yr addysg Gymreig ar ôl gadael ein hysgol • Crynodeb o bolisiau'r ysgol parthed plant o dan gofal, ADY, codi tal am weithgareddau a chyfleoedd cyfartal • Aelod o staff â chyfrifoldeb am blant o dan gofal • Darpariaeth ar gyfer Addysg Gorfforol a gweithgarwch dysgu estynedig • Darpariaeth o doiledau a'u glendid • Gwybodaeth am gydaddoliad yn yr Ysgol Blaenau • Crynodeb o amcanion yr ysgol parthed chwaraeon a chyfleoedd a ddarperir • Gwybodaeth am ddyddiadau tymhorol am y flwyddyn ganlynol • Trefniadau ar gyfer sicrhau diogelwch plant a staff yn yr Ysgol • Crynodeb o gynnwys y cytundeb cartref Ysgol Blaenau • Datganiad am sut gellir mynd ati i wneud cwyn

Adroddiad Blynyddol y Llywodraethwyr a gwybodaeth arall yn ymwneud â'r corff llywodraethu – mae'r adran hon yn nodi'r wybodaeth a gyhoeddir yn Adroddiad Blynyddol y Llywodraethwyr ac yn nogfennau eraill Cyrff Llywodraethu.

Dosbarth	Disgrifiad
Adroddiad Blynyddol y Llywodraethwyr	Mae cynnwys statudol adroddiad blynyddol y llywodraethwyr i rieni fel a ganlyn, (gall yr ysgol gynnwys eitemau eraill hefyd yn ôl ei doethineb): • manylion ynghylch aelodaeth y corff llywodraethu, eu cyfnodau ar y corff, eu rôl ar y corff, pryd a phwy y apwyntir, gan gynnwys enw a chyfeiriad y cadeirydd a'r clerc. • Nodyn ynglŷn â chategori ieithyddol yr ysgol i gynnwys y defnydd o'r Gymraeg yn y dosbarthiadau a thu allan o amser gwersi. • Datganiad ynglŷn â dyddiad etholiad nesaf o riant llywodraethol • datganiad ynghylch y cynnydd wrth weithredu'r cynllun gweithredu a luniwyd yn dilyn arolygiad. • datganiad ariannol, crynodeb o sut y defnyddir cyllideb yr ysgol, manylion am roddion a gafodd yr ysgol a symiau a dalwyd i'r llywodraethwyr fel treuliau. • Trefniadau i hybu'r plant i gymryd rhan mewn gweithgarwch corfforol a dysgu estynedig. • gwybodaeth am ddiogelwch yn yr ysgol. • Targed diweddaraf am leihau absenoldebau a gytunwyd gyda'r corff llywodraethu a'r camau a gymerir. • gwybodaeth am weithredu polisi'r corff llywodraethu ynghylch disgyblion sydd ag anghenion addysgol arbennig (ADY) ac unrhyw newidiadau i'r polisi dros y flwyddyn ddiwethaf. • disgrifiad o'r trefniadau i gynnig lle i ddisgyblion sydd ag anableddau; manylion camau a gymerwyd i atal disgyblion anabl rhag cael eu trin yn llai ffafriol na disgyblion eraill; a manylion cyfleusterau presennol i gynorthwyo disgyblion sydd ag anableddau i gael mynediad i'r ysgol. • y cynllun mynediad sy'n ymwneud ag ehangu mynediad i'r rhai sydd ag anableddau i'r ysgol yn y dyfodol (<i>o fis Ebrill 2004</i>). • sut y mae datblygiad proffesiynol athrawon yn effeithio ar addysgu a dysgu. • Manylion am y camau a gymerodd yr ysgol i ddatblygu cysylltiadau gyda'r gymuned gan gynnwys yr heddlu. • nifer y disgyblion ar y gofrestr a chyfraddau'r absenoldebau a awdurdodwyd a'r rhai nas awdurdodwyd ymhlith disgyblion. • Manylion am newidiadau penodol i bolisiau a gweithdrefnau yn dilyn adolygiad gyda'r corff llywodraethol • Manylion am ddyddiadau'r tymhorau am y flwyddyn sydd i ddod. • Manylion am newidiadau i brosbectws yr ysgol. • Gwybodaeth am y cwricwlwm, ei drefniant a'r dulliau addysgu. Dylai hyn gynnwys y newidiadau a wnaethpwyd ar gyfer plant ADY • sôn am bolisi bwyd a ffitrwydd a phwysigrwydd bwyta'n iach ac ymarfer corff • datganiad byr am y ddarpariaeth o doiledau ar gyfer plant yr ysgol a'r trefniadau ar gyfer eu glanhau.
Offeryn Llywodraethu	• Enw'r ysgol. • Categori'r ysgol. • Enw'r corff llywodraethu.

	• Y ffordd y cyfansoddwyd y corff llywodraethu. • Enw unrhyw un y mae ganddo/ganddi yr hawl i benodi unrhyw gategori o lywodraethwr. • Manylion unrhyw ymddiriedolaeth. • Os oes gan yr ysgol gymeriad crefyddol, disgrifiad o ethos yr ysgol. • Y dyddiad y daw'r offeryn i rym.
Cofnodion [1] cyfarfod y Corff Llywodraethu a'i bwyllgorau	Cofnodion cyfarfodydd pwyllgor a bwrdd y llywodraethwyr

Polisïau Disgyblion a Chwricwlwm – mae'r adran hon yn rhoi mynediad i wybodaeth ynghylch polisïau sy'n ymwneud â disgyblion a chwricwlwm yr ysgol.

Dosbarth	Disgrifiad
Cytundeb rhwng yr ysgol a'r cartref	Datganiad ysgrifenedig o nodau a gwerthoedd yr ysgol, cyfrifoldebau'r ysgol, cyfrifoldebau'r rhieni a disgwyliadau'r ysgol o'i ddisgyblion, er enghraifft trefniadau gwaith cartref.
Polisi Cwricwlwm	Datganiad ynghylch dilyn y polisi ar gyfer Cwricwlwm i Gymru, gan gynnwys unrhyw faes llafur a ddilynir gan ddisgyblion yn yr ysgol.
Polisi Addysg Perthnasoedd a Rhyw	Datganiad ysgrifenedig o'r polisi'n ymwneud ag addysg rhyw.
Addoli ar y Cyd	Datganiad o'r trefniadau ar gyfer y weithred ddyddiol ofynnol o addoli ar y cyd.
Disgyblu Disgyblion	Datganiad ysgrifenedig o'r egwyddorion cyffredinol ynghylch ymddygiad a disgyblaeth gan gynnwys unrhyw bolisi gwrth-fwllo pan fo hynny'n briodol.

Polisïau'r Ysgol – Mae'r adran hon yn rhoi mynediad i wybodaeth am bolisïau sy'n ymwneud â'r ysgol yn gyffredinol.

Dosbarth	Disgrifiad
Adroddiadau Arolygiadau Ysgol Estyn o dan Adrannau 10 a 23 Deddf Arolygu Ysgolion 1996	Adroddiad am arolygiad o'r ysgol a'r crynodeb o'r adroddiad.
Cynllun gweithredu ar ôl Arolygiad	Cynllun sy'n nodi'r camau y mae angen eu cymryd yn dilyn arolygiad gan Estyn.
Polisïau dileu a	Datganiad o bolisi'r ysgol sy'n ymwneud â dileu a chodi tâl am unrhyw

chodi tâl	wasanaeth ychwanegol neu fwyd neu lety y caniateir codi tâl amdanynt, er enghraifft gwersi cerddoriaeth, gwibdeithiau.
Amserau sesiynau'r ysgol	Manylion am sesiynau'r ysgol a dyddiadau tymhorau a gwyliau'r ysgol.
Anghenion Dysgu Ychwanegol	Gwybodaeth am bolisi'r ysgol ynghylch darparu ar gyfer disgyblion sydd ag anghenion addysgol arbennig.
Cynlluniau Hygyrchedd	Cynllun ysgrifenedig yn ymdrin â gwelliannau mynediad i'r ysgol i ddisgyblion sydd ag anableddau (<i>o fis Ebrill 2004</i>).
Polisi Iechyd a Diogelwch	Datganiad ysgrifenedig o bolisi cyffredinol yn ymwneud ag iechyd a diogelwch gweithwyr (ac eraill) yn y gwaith a'r trefniadau ar gyfer cyflawni'r polisi.
Polisi Amddiffyn Plant	Datganiad o egwyddorion cyffredinol ynghylch trefniadau Amddiffyn Plant (<i>o fis Mawrth 2004</i>).
Trefn gwyno	Datganiad o'r gweithdrefnau i ddelio â chwynion.
Rheoli Perfformiad Staff	Datganiad o'r gweithdrefnau yn ymwneud ag arfarnu staff a fabwysiadwyd gan y corff llywodraethu.
Cwyno, Disgyblaeth ac Ymddygiad Staff	Datganiad o'r weithdrefn ar gyfer rheoleiddio ymddygiad a disgyblaeth staff yr ysgol a gweithdrefnau y gall y staff eu defnyddio i ddatrys cwynion.

6. Adborth a Chwynion

Rydym yn croesawu unrhyw sylwadau neu awgrymiadau sydd gennych ynghylch y cynllun. Os hoffech wneud unrhyw sylwadau am y cynllun cyhoeddi hwn neu os oes angen cymorth pellach arnoch neu os ydych chi am gwyno, dylid cyfeirio hyn yn y lle cyntaf aty pennaeth Mrs Geraldine Jenkins.

Os nad ydych yn fodlon ar y cymorth a gewch neu os nad ydym yn llwyddo i ddatrys eich cwyn ac os ydych yn teimlo bod angen gwneud cwyn ffurfiol, dylid cyfeirio hyn i Swyddfa'r Comisiynydd Gwybodaeth. Dyma'r sefydliad sy'n sicrhau cydymffurfiaid â Deddf Rhyddid Gwybodaeth 2000 ac sy'n delio â chwynion ffurfiol. Gellir cysylltu ag ef yn:

Comisiynydd Gwybodaeth, Wycliffe House, Water Lane, Wilmslow, Cheshire, SK9 5AF

neu

Llinell Ymholiadau/Gwybodaeth: 01625 545 745
E-bost: publications@ic-foi.demon.co.uk

^[1] Gall rhywfaint o'r wybodaeth fod yn gyfrinachol neu wedi ei heithrio o'r cyhoeddiad yn unol â'r gyfraith am reswm arall – felly, ni allwn gyhoeddi

Mae'r polisi hwn yn weithredol yn Ysgol Blaenau.

Arwyddwyd: Pennaeth

Trafodwyd a derbyniwyd y polisi hwn gan y Corff Llywodraethu.

Arwyddwyd: Cadeirydd

Dyddiad: